

AD QVODLIBETARIAM.  
QVAESTIO MEDICA MATVTINIS DISPTATIONIBVS AGITANDA  
IN SCHOLIS MEDICORVM DIE IOVIS XVII. DECEMBRIS MAGISTRO DIONYSIO  
GVERIN DOCTORE MEDICO MODERATORE.

604.

*An torpor ventriculi omnium confusio?*

**N**IL quod vitam non habeat alimento nutriente, tanquam numente, & nutrituro opus habet. Nutritionis necessitas à perenni triplicis substantiæ dissipatione pendet. Amicus idem & inimicus perhibetur calor, qui fons vitam ac sustentans, humidum tamen primigenium, pingue, glutinosum, halituum forbillat perpetuo, carpitque & carpitur vnâ, suppliciumque suum, & substantiam humidam digerit in vapores, vrinas, sudores: solidam extenuando atterit, spirituosam dissipat. Hinc sitis, fames, respiratio: quarum illa potus, hæc cibi est appetitus: tertia ab aëre refrigerium petit & spiritus pabulum. Inspirat aërem pulmo excipit, conficit, præparatque cordi. Esculenta & potulenta, quæ sine molestia ferri non possunt in pulmones, auidè capit ventriculus. Sed ipsum aliquâ parte oneris leuant dentes cibum præparando. Inci. ores cultrimodo diuidunt, canini confringunt, molares molunt comminuuntque. Cui confectioni consulit suo motu lingua, gustus instrumentum: adiuvant tonsillæ saliuâ fauces & os perfundendo.

**R**IMAS obinet ventriculus: vt alimenti promus còdus, quâuis coqui instar coquendis solum vacet cibus, rex tamen meritò totius corporis nuncupadus, nulli aliorum partium cedens necessitate. Amplus & capax esse debuit, rotundus, & oblongus, duplici substantiâ membranosa, interiori nervosa œsophago, linguæ, palato, & ori continuatâ: exteriori magis carnosâ, omni fibrarum genere instructus: lub diaphragmate interiecur & lienem positus: superno & inferno orificio donatus, stomacho famis & sitis sede, quo admittuntur cibi: & pyloro, quo iam confecti demittuntur: à pharynge (cuius motus in deglutendo voluntarius) suum opus inchoat. Rudem adhuc & indigestam molem vt rectius argeat, se in angustum cogit, vt illam, ne fluitet, vndique & arcuè comprehendat, quoad infra proprietate cibos attritos & laeuigatos mitificando, elixando, murandoque in chylum consistentiâ cremori hordei, colore album, sapore dulcem, nulli tamen partium corporis, nedum ipsimet ventriculo alimento futurum, transmisit & sugi fuerit eundem ab hepate per venas melaraicas commune chyli & sanguinis vehiculum.

**O**CTIO igitur (per somnum melius quàm per vigiliam fieri solit) alteratio nutrientis in propriam qualitatem eius quod nutritur, alia atque alia desideratur: hîc segetes, illîc veniunt felicius vuz, Chylosis, in vtero foetus denegata, in fundo ventriculi: Sanguificatio in solo hepate: Assimilatio in singulis partibus perficitur, vt varias mutationes subiens alimentum longe purius, defecatus, & dulcius euadat, alendisque diueris indolis partibus accommodatus. Nec vno eodémque succo gaudet vnaquæque pars. Querit suum pulmo, suum lien, suum cerebrum, suum os, humorum diuersitatem quandam providè dispensante naturâ. Cæterum nutritrix facultas, quæ per totam perennat vitam, nec vllas in vllâ parte agit ferias: quatuor ministris comitata, attrahit, retentrix, coctrix, expultrix, triumque principatum virtute per venas, arterias, nervos influente recreata à partis procedit temperie & laudabili structurâ: quemadmodum ab intemperie & vitiosa conformatione triplex vitium, nutritionis abolitio, deprauatio, imminutio.

**A**ntemperie, simplici, compositâ, nudâ, cum materiâ, æquali, inæquali, si quando delinquit ventriculus, id repetendum videtur. Imbecillitas diuturna & insignis intemperie soboles, plurimum refert an aliquâprehendantur rituum partium. Vitalis & animalis facultas tales existunt, qualis naturalis, veluti reliquarum radix & fundamentum: hæc si optimo temperamento prædita est, si robusta, & illæ necessariò in *χρησι καὶ σπουδῇ* actionumque integritate excellant oportet. Alteram alterius non posse carere auxilio, dandi & accipiendi iuvari vicissitudine & iniuriis communibus affici non negamus. Vt, si probi & laudabilis commensus penuria accedit, si intercipitur *ἐν ἀρχῇ*, si nimium commiuent & subsidunt meatus, si habitus per diathesim hecticam quicquid appellit alimenti planè respuit, an non facile omnes riuli, imò ipsi fontes quibus corporis moles alluitur, alitur, exarescunt, omnesque simul facultates suo fraudatæ genio exoluantur? parvus quidem error in principio, sed maximus in fine. Non enim iecur licet bene moratam & constitutum defectum hunc relarcire valeat: nec item venosum genus, nec partes singulæ sanguinem male elaboratum, auriam fere exhaustum restituere ac in laurare.

**V**ENTRICVLVS itaque signauit quàm par sit suo fungatur munere: si segnius trahat, debiliter contineat, tardè concoquat, præposterè excernat, vnde *ἀρρωστὴς* consequatur: quò minus probè fiant *χρῆσις, ἀμείωσις, ἐμείωσις*, quò maior erit præcipuus. Nam imperfectâ coctione, quam *μείωσις* Græci vocant, & secretionem, quæ calore naturali proprioque indiget, puri ab impuro, homogenei ab heterogeneo minimè faciâ, hepar quam accepit crudam, grauem, confusam materiam per venam cauâ reddens cordi, atque singillatim distribuens, non amplius fons gratiofi humoris, sed faburra potius, & impuræ colluuii fomes censeretur meruit: non iam spiritus vitales & animales, qui tenuitate suâ proprioque imperu passim feruntur, sinceri, ætherei, sed turbidi & caliginosi: non integer & alimentarius sanguis, non arteriosus, non *σπέρμα*, (qua subinde partium solidarum viuacitas fluxa reparatur) non ipsa *ἐνέργεια*, à quâ actiones obeuntur perfectiæ, expectantur: sed retrò contrâque succis omnibus suisque deque & promiscuè confusis, & tam in venis quàm reliquis partibus, cumulatâ impuritate ad *ὁρμίσαν* profus ineptâ, morborum pene omnium internorum & externorum factura *ἀδιαφόρος* succedat necesse est.

*Ergo ventriculi torpor omnium confusio.*

51

Proponebat Lutetiæ FRANCISCVS PIART Parisinus, A. R. S. H. M. DC. XX.

DOMINI DOCTORES DISPTATVRI.

*M. Renatus Moreau.*

*M. Iacobus Cousinot.*

*M. Nicolaus Pietre.*

*M. Dionysius Allain.*

*M. Petrus de Beauvains.*

*M. Iacobus Cousinot.*

*M. Lazarus Pena.*

*M. Joannes Texier*

*M. Petrus Sequyn M. R.*

